



Broj: 11-19-11-2-3285-II/26

Datum: 04.09.2026. godine

Na osnovu člana 43. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama (Službeni glasnik BiH broj: 39/14 ,59/22 i 50/24), i prijedloga Komisije za provođenje otvorenih postupaka nabavke za 2026. godinu, direktor Federalne uprave policije, d o n o s i:

ODLUKU

o izboru najpovoljnijeg ponuđača u postupku Javne nabavke usluga osiguranja, tehničkog pregleda i registracije novih motornih vozila za LOT 2 - Nabavka tehničkog pregleda i registracije novih motornih vozila

1. Prihvata se prijedlog Komisije za provođenje otvorenih postupaka nabavki u postupku Javne nabavke usluga osiguranja, tehničkog pregleda i registracije novih motornih vozila za LOT 2- Nabavka tehničkog pregleda i registracije novih motornih vozila, te se Ugovor dodjeljuje ponuđaču CENTROTRANS dd Sarajevo, prema ponudi broj: 1/4695/26 od 17.08.2026. godine sa ukupnom cijenom od 183,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14 i 59/22).
4. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela otvoreni postupak Javne nabavke usluga osiguranja, tehničkog pregleda i registracije novih motornih vozila (sa podjelom na LOT-ove), po Obavještenju o javnoj nabavci broj: 1412-1-2-223-3-175/26 od 07.08.2026.godine objavljeno u "Službenom glasniku BiH" broj: 58/26, dana 14.08.2026. godine.

Dana 27.08.2026. godine, Komisija za provođenje otvorenih postupaka nabavki za 2026. godinu izvršila je radnju Otvaranje ponuda za Javnu nabavku usluga osiguranja, tehničkog pregleda i registracije novih motornih vozila za LOT 2- Nabavka tehničkog pregleda i registracije novih motornih vozila, o čemu je sačinjen Zapisnik sa otvaranja ponuda u koji su uneseni svi elementi predviđeni članom 63. stav 4. i 5., ZJN.

U postupku pregleda i ocjene ponuda Komisija je utvrdila da su za navedenu nabavku do određenog krajnjeg roka za dostavljanje ponuda pristigle dvije (2) ponude i to: ponuda ponuđača CENTROTRANS dd Sarajevo broj: 1/4695/26 od 17.08.2026. godine sa cijenom ponude u iznosu od 183,00 KM i ponuda ponuđača OSING-osiguranje inženjering d.o.o. Sarajevo broj: 01-1945/26 od 27.08.2026. godine sa cijenom ponude u iznosu od 365,64 KM, te da navedene ponude ispunjavaju uslove iz tenderske dokumentacije i iste su ocijenjene kao prihvatljive za ugovorni organ (prethodno je Komisija od ponuđača CENTROTRANS dd Sarajevo zatražila objašnjenje cijene ponude obzirom da je ista niža za više od 20%

od druge prihvatljive ponude, a sve u skladu sa članom 17. stav (7) Upustva za pripremu modela Tenderske dokumentacije i ponuda, te je Komisija zaprimljeno pojašnjenje ocijenila kao prihvatljivo i konstatovala da se ne radi o neprirodno niskoj cijeni ponuda).

Za navedenu nabavku Tenderskom dokumentacijom nije predviđeno provođenje e-Aukcije.

Rukovodeći se kriterijem najniža cijena, Komisija je, u skladu sa članom 70., ZJN BiH predložila da se za Javnu nabavku usluga osiguranja, tehničkog pregleda i registracije novih motornih vozila LOT 2- Nabavka tehničkog pregleda i osiguranja novih motornih vozila donese Odluka o izboru najpovoljnijeg ponuđača i ugovor dodijeli ponuđaču CENTROTRANS dd Sarajevo prema ponudi 1/4695/26 od 27.08.2026. godine sa ponuđenom cijenom od 183,00 KM.

Razmatrajući prijedlog Komisije, direktor Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

Dostaviti:

- Sektor za finansije i javne nabavke
- ponuđačima
- u spis

DIREKTOR
GLAVNI GENERALNI INSPEKTOR POLICIJE

Igor Marić

